

АҚТӨБЕ ОБЛЫСЫНЫҢ ӘКІМДІГІ  
АҚТӨБЕ ОБЛЫСЫНЫҢ МӘДЕНИЕТ, АРХИВТЕР ЖӘНЕ ҚҰЖАТТАМА БАСҚАРМАСЫ  
ҚР БФМ ФК А.Х. МАРҒҰЛАН АТЫНДАҒЫ АРХЕОЛОГИЯ ИНСТИТУТЫ  
АҚТӨБЕ ОБЛЫСТЫҚ ТАРИХИ-ӨЛКЕТАНУ МУЗЕЙІ

АКИМАТ АКТЮБИНСКОЙ ОБЛАСТИ  
УПРАВЛЕНИЕ КУЛЬТУРЫ, АРХИВОВ И ДОКУМЕНТАЦИИ АКТЮБИНСКОЙ ОБЛАСТИ  
ИНСТИТУТ АРХЕОЛОГИИ им. А.Х. МАРГУЛАНА КН МОН РК  
АКТЮБИНСКИЙ ОБЛАСТНОЙ ИСТОРИКО-КРАЕВЕДЧЕСКИЙ МУЗЕЙ

## **«ҚАДЫРБАЕВ ОҚУЛАРЫ - 2020»**

### **VI ХАЛЬПАРАЛЫҚ ҒЫЛЫМИ КОНФЕРЕНЦИЯСЫНЫҢ МАТЕРИАЛДАРЫ**

(2020 жылғы 27-28 қараша)

### **МАТЕРИАЛЫ**

### **VI МЕЖДУНАРОДНОЙ НАУЧНОЙ КОНФЕРЕНЦИИ**

### **«ҚАДЫРБАЕВСКИЕ ЧТЕНИЯ – 2020»**

(27-28 ноября 2020 года)

Актобе 2020

## МЕРЕЙІ БИК СУРЕТШІ ЕДІ...

Р.С. Нұрғалиев

Адам баласы көзімен көріп, ой-түйсігімен сезінген, өзін қоршаған ортадағы оқығаларды тасқа қашап салудан сурет өнері бастау алары сөзсіз. Кең байтақ қасиетті қазақ даласында сақталған «Таңбалы тас», балбалдар, құлпытастар, дана халқымыздың қолөнер төл туындылары ата-бабамыздың өнерден құралақан еместігін айқындайды.

Мен бала кезімнен елімізге белгілі көптеген суретшілердің салған суреттеріне қызығып, суретші болуды армандағы өстім. Солардың бірі — Сағынтай Әлімбетов болатын.

Сағынтай Әлімбетов 1953 жылдың 3 ақпанында Қызылорда облысы, Жаңақорған ауданы, «Қызыл жұлдыз» кеңшарында дүниеге келген. 1977 жылы Алматы Н.В.Гоголь атындағы көркемсурет училищесін, 1990 жылы Абай атындағы Қазақ педагогикалық институтының көркемсурет факультетін тәмамдаған. Қазақстан Республикасының Суретшілер, Дизайнерлер одағының мүшесі, бейнелеу өнерінің профессоры, «Әлем халықтарының өнері» атты халықаралық ассоциацияларының лауреаты болды. Республикалық, халықаралық көркемсурет көрмелеріне, симпозиумдарына, Германияда (Ганновер қаласы) II халықаралық суретшілердің симпозиумының дипломанты, БҰҰ секретариаты ұйымдастырған «Қазақстанның бейнелеу өнері» көрмесіне қатысты. Түркияда, Конья қаласында өткен халықаралық суретшілер симпозиумында I дәрежелі дипломымен марапатталды. Сағынтай Әлімбетов «Ақтөбе қаласының Құрметті азаматы», Ақтөбе қаласының елтаңбасы мен туының авторы, Ойыл ауданы елтаңбасының авторы. «Ақтөбе қаласының Құрметті азаматы» медалі нұсқасының авторы.

Тама Есет батыр Көкұлының 325 жылдығы мен қазан жүрек Қайдауыл батыр Едігеулының 230 жылдық, Арайлы Ақтөбе қаласының 130 жылдық мерейтойларының бас суретшісі болды. Суретшінің Ақтөбе, «Әбілқайыр хан», «Әйтке би», «Абай», «Жібек жолы», «Тәуелсіздік», (Адам және уақыт), «Сығанақ», «Асанқайғы», «Наурыз», «Рауан» картиналары жазылып, «Жеті қат» альбомы, «Табиғат. Адам. Уақыт» жеке көрмесінің каталогі жарыққа шықты. ЮНЕСКО көлемінде өткен Махамбет Өтемісұлының 200 жылдығына арналған Халықаралық конференцияға қатысқан. «Суретшінің есімі «Қазақстанның ең үздік адамдары» атты энциклопедиясына енген. «Ерен еңбегі үшін» медалімен марапатталған.

Қазақстан Республикасы Президентінің Резиденциясына Сағынтай Әлімбетовтың «Мәңгілік», «Күй», «Комета Галлея» картиналары алынды. Сондай-ақ, Қазақстан Республикасының Мәдениет және спорт министрлігінде, АҚШ, Франция, Австрия, Голландия, Германия, Түркия азаматтарының жеке коллекцияларында сақтаулы. Бүкілодақтық, халықаралық, республикалық жоғары деңгейдегі көрмелерге ол алғашқы шығармашылық қадамдарынан бастап қатысты. Шығармашылық еңбектері егеменді еліміздің Мәдениет және спорт министрлігінің, Қазақстан Республикасы Суретшілер Одағының, КСРО

Мәдениет министрлігінің ҚР Президенті Резиденциясының көркемсүрет қорларына, Астана (Нұр-Сұлтан), Тикси қаласының музейіне алынды. Сонымен қатар АҚШ, Франция, Германия, Турция, Голландия, Австрия, Бельгия жеке азаматтарының коллекцияларында, Алматы, Астана, Ақтөбе қалаларында орын алған.

Жастайынан қыл қаламды жаңына серік етін, оның бойына терең бойлаған суретші туындыларының бастауы сонау тарих қойнауынан нәр алғаны айқын сезіледі. Даны қазақ халқымыздың көркемсүрет өнерінің қарқынды дамуына, оны жоғары деңгейге көтеруге өзіндік зор үлесін қосып, аянбай еңбек етті.

Сағынтай Әлімбетов — жас үрпақты ерлік, патриотизм рухында тәрбиелеуде үлес қосқан суретші еді. Қазақ көркемсүрет өнерінің дамуына өз үлесін қосып, өткен мен бүгінгі шығармаларына арқау еткен, әр туындысы дала философиясынан сыр шертетін еңбектері құндылығымен жас үрпақты бейнелеу өнерінің сұлулығынан нәр алуға, ұлттық тәрбиеден сусындауға жетелейді. Сонымен қатар суретшінің кәсіби шығармашылық жұмыстары тарихпен, мильтермен және аңыздармен өзара үндеседі. Белгілі тұлғалардың портреттерін өте жақсы салған. Сағынтай Әлімбетовті сурет өлемінде өзіндік орны бар тұлға деп білеміз.

Осы орайда суретшінің көпке үлгі-өнеге боларлық шығармашылық еңбек жолына тоқталғанды жөн көрдім. Еңбек жолын 1977 жылы Ақтөбе мәдени-ағарту училищесінің көркемсүрет бөлімінде живопись, композиция пәндерінен сабак беруден бастаған. Одан кейін әр жылдары Ақтөбе балалар көркемсүрет мектебінде ұстаздық етсе, Қазақстан Суретшілер одағы көркемдік бөлімінің менгерушісі, Қ.Жұбанов атындағы Ақтөбе университетінде көркемсүрет факультетінің деканы сынды жауапты қызметтерді абыраймен атқарғанын аңғаруға болады.

Откенге көз жүгіртсек, 2013 жылдың сәуір айында облыс орталығы Ақтөбе қаласындағы Тахауи Ахтанов атындағы облыстық драма театрында Сағынтай Әлімбетовтың 60 жылдық мерейтойына және шығармашылығының 35 жылдығына арналған «Табиғат. Адам. Уақыт» атты жеке көрмесінің салтанатты ашылу рәсімі өтті. Көрмеге шығармашылық жолының әр кезеңдерінде жазылған 35 кескінде тұындылары қойылды.

Аталған салтанатты шарада Сағынтай Әлімбетов Қазақстан Республикасының «Мәдениет саласының үздігі» төсбелгісімен марапатталды. Көзден кетсе де көңілден кетпейді демекші, ол — егеменді еліміздің сурет саласында өзіндік орны бар тұлға болып қалды.

Кезінде жергілікті және сайт басылымдарына берген бір сұхбатында журналистің:

- Бояулар мен кенептерді қайдан аласыз? Олар қымбат тұрады ғой, — деген сауалына:
- Мені көптеген симпозиумдарға қатысуға шақырады. Сонда маған кенептер кәде-сый ретінде беріледі. Менің Кеңес заманынан бері

сақталған шағын қорым бар. Мен қатқыл мата сатып алып, тегістеймін. Содан кейін ғана сурет саламын. Солай жұмыс жасаймын.

- Ал «Сізді оптимист деп айтуға бола ма? Сіз өзінізді бейнелеу өнерінің қандай бағытына жатқызасыз?» — деген сауалға:
- Өмірдегі және шығармашылық бағытындағы кезіккен қындықтарға қарамастан мен күнделікті өмірде құліп жүремін, көңілді болуға тырысамын. Достарым көп. Мен жақсы эмоцияларға толы жанмын. Мен үшін ақша қымбат емес. Шығармашылық жұмысымнан қанағаттанамын. Бұл — мен үшін өте маңызды. Мен символистпін, — деген еken (А.Зюзина, «zakon.kz» телеграм-каналы).

Қазақстан Республикасы Суретшілер одағының және АИКА ЮНЕСКО-ның мүшесі, өнертанушы Гүлжазира Мұқажанова әріптесі Сағынтай Әлімбетов туралы былай деп пікір білдіріпті:

- Суретшілік мәнеріне тән қасиеттің бірі — не салса да соған психологиялық негіз іздеу. Даны халқымыздың көл-көсір мінезі мен кең жүргегін жақсы сезінетін ол көбіне нақты адамдардың образын жасауға үйір. Әр кейіпкерінің бейнесінен халық мінез-құлқының етене таныс белгілерін оңай ажыратуға болады. Ауыл тіршілігінің ең қарапайым көріністерінен ол жүрек толқытатындағы мәңгілік рухани сезім іздейді. «Сырт көзге жұпның көрінеп құбылыстардың өзін бояу құдіретімен айшықтап, көрермен ықыласын еріксіз соған бұрады. Оның шын сыры тереңде дегенге көніл аударады.

Сағынтайдың творчествосы сонысымен қымбат, сонысымен бағалы», — деп жоғары баға беріпті.

Сағынтай Әлімбетов — қарапайым ұстаның баласы. Яғни әкесі — жетінші ұрпақтан тарайтын темір ұстасы. Анасы тракторшы болып еңбек еткен. Марқұм Сағынтай Әлімбетов салған өніріміздің белгілі тарихи көрнекті тұлғаларының суреттері бүгіндегі бірегей туындыларға айналды. Оның сүйген кәсібі — сурет әлемінде алдағы күндерге де белгілеген мақсат-жоспарлары көп еді. Тірі болғанда биыл 67 жасқа толар еді. Өкінішке орай, 2018 жылдың ақпан айында ұзаққа созылған ауыр науқастан кейін өмірден ерте кетті.

Оның Қызылорда облысында туып, біздің өнірімізде абыройлы еңбек еткен белгілі кәсіби суретші болғанын болашақ жас ұрпақ білуі тиіс және абзал азамат, керемет талант иесінің жақсы есімі ұмтылып қалмай, жаңғырып тұруы жөн деп ойлаймын.

Кеңестік кезеңдегі ірі тұлғалардың ізімен өнер өріне көтерілген жерлесіміз Сағынтай Әлімбетовтің орны бөлек. Сондықтан алдағы уақытта суретшінің есімін ұлықтау мақсатында оған арналған экспозициялық көрме-байқаулар үйымдастырылса нұр үстіне нұр болар еді.